



AN COIMISIÚN
EORPACH

An Bhruiséil, 2.5.2017
COM(2017) 256 final

ANNEXES 1 to 3

An Pacáiste Comhlíontachta

IARSCRÍBHINNÍ

a ghabhann leis an

TOGRA LE hAGHAIDH RIALACHÁN Ó PHARLAIMINT NA hEORPA AGUS ÓN gCOMHAIRLE

**maidir le tairseach aonair dhigiteach a bhunú chun faisnéis, nósanna imeachta agus
seirbhísí cúnamh agus réitigh fadhbanna a sholáthar agus lena leasaítear Rialachán
(AE) Uimh. 1024/2012**

{SWD(2017) 211 final}

{SWD(2017) 212 final}

{SWD(2017) 213 final}

{SWD(2017) 214 final}

IARSCRÍBHINNÍ

a ghabhann leis an

TOGRA LE hAGHAIDH RIALACHÁN Ó PHARLAIMINT NA hEORPA AGUS ÓN gCOMHAIRLE

maidir le tairseach aonair dhigiteach a bhunú chun faisnéis, nósanna imeachta agus seirbhísí cúnamh agus réitigh fadhbanna a sholáthar agus lena leasaítear Rialachán (AE) Uimh. 1024/2012

IARSCRÍBHINN I

Liosta de réimsí faisnéise atá ábhartha do shaoránaigh agus gnólachtaí atá ag feidhmiú a gceart i ndáil leis an margadh aonair dá dtagraítear in Airteagal 2(2)(a)

Réimsí faisnéise a bhaineann le saoránaigh:

Réimse	FAISNÉIS FAOI CHEARTA, OIBLEAGÁIDÍ AGUS RIALACHA
Taisteal laistigh den Aontas	• Doiciméid nach mór a bheith ag saoránaigh an Aontais, daoine muinteartha leo nach saoránaigh den Aontas iad, mionaoisigh atá ag taisteal ina n-aonar agus saoránaigh nach saoránaigh den Aontas iad nuair atá siad ag taisteal thar theorainneacha laistigh den Aontas (cárta aitheantais, víosa, pas) • cearta agus oibleagáidí daoine agus iad ag taisteal ar eitleán, ar an traein, ar bhord loinge agus ar an mbus laistigh den Aontas agus amach as, agus cearta agus oibleagáidí daoine a cheannaíonn pacáistí taistil nó socruithe taistil gaolmhara • cúnamh i gcás soghluaisteacht laghdaithe daoine agus iad ag taisteal laistigh den Aontas agus amach as • iompar ainmhithe, plandaí, alcóil, tobac, toitíní agus earraí eile ag daoine agus iad ag taisteal san Aontas • guthghlaonna a chur agus teachtaireachtaí leictreonacha agus sonraí leictreonacha a sheoladh agus a fháil laistigh den Aontas
Obair agus scor laistigh den Aontas	• fostaíocht a lorg i mBallstát eile • fostaíocht a ghlacadh i mBallstát eile • aitheantas do cháilíochtaí d'fhonn fostaíocht a fháil i mBallstát eile • cáin i mBallstát eile • téarmaí fostaíochta (lena n-áirítear uaireanta oibre, saoire íochta, teidlíochtaí saoire, cearta agus oibleagáidí maidir le

	ragobair, scrúduithe sláinte, foirceannadh conarthaí, briseadh as post agus iomarcaíochtaí) • caitheamh cothrom (rialacha in aghaidh idirdhealú san áit oibre, pá comhionann d'fhir agus do mhná, pá comhionann d'fhostaithe ar chonarthaí téarma sheasta/fostaíochta buaine) • oibleagáidí sláinte agus sábháilteachta maidir le cineálacha difriúla gníomhaíochta • cearta agus oibleagáidí slándála sóisialta san Aontas, lena n-áirítear iad sin a bhaineann le pinsin a fháil
Feithicilí san Aontas	• mótarfheithicil a thabhairt go sealadach nó go buan chuig Ballstát eile • ceadúnas tiomána a fháil agus a athnuachan • mótarárachas éigeantach a ghlacadh • mótarfheithicil a cheannach agus a dhíol i mBallstát eile • mótarfheithicil a thógáil ar cíós • rialacha náisiúnta tráchta agus ceanglais ar thiománaithe
Cónaí i mBallstát eile	• bogadh chuig Ballstát eile go sealadach nó go buan • páirt a ghlacadh i dtoghcháin bhardasacha agus toghcháin chuig Parlaimint na hEorpa • ceanglais ar shaoránaigh an Aontais agus a ndaoine muinteartha maidir le cártaí cónaithe a bheith acu, lena n-áirítear daoine muinteartha nach saoránaigh den Aontas iad
Oideachas nó cúrsa oiliúna i mBallstát eile	• freastal ar scoil i mBallstát eile • freastal ar ollscoil i mBallstát eile • obair dheonach a dhéanamh i mBallstát eile • cúrsaí oiliúna i mBallstát eile • taighde a dhéanamh i mBallstát eile mar chuid de chlár oideachais
Cúram sláinte	• cóireáil leighis a fháil i mBallstát eile • táirgí cógaisíochta ordaithe a cheannach ar líne nó go pearsanta i mBallstát nach ionann é agus an Ballstát inar eisíodh an t-oideas
Ceartha, oibleagáidí agus rialacha trasteorann teaghlaigh	• breith, coimeád leanaí mionaoiseacha, freagrachtaí ar thuismitheoirí, oibleagáidí cothabhála maidir le leanaí in imthosca trasteorann teaghlaigh • cónaí mar lánúin ag a bhfuil náisiúntachtaí difriúla (pósadh, idirscaradh, colscaradh, cearta maoine pósta, cearta comhchónaitheoirí) • cearta maidir le comharbas i mBallstát eile

Tomhaltóirí in imthosca trasteorann	• earraí agus seirbhísí a cheannach ar líne nó go pearsanta ó Bhallstát eile (lena n-áirítear earraí agus seirbhísí airgeadais) • cuntas bainc a choimeád i mBallstát eile • ceangal le fónais amhail gás, leictreachas, uisce, teileachumarsáid agus an t-idirlíon • íocaíochtaí, lena n-áirítear aistrithe creidmheasa, moilleanna ar íocaíochtaí trasteorann • cearta tomhaltóirí agus ráthaíochtaí a bhaineann le hearraí agus seirbhísí a cheannach
-------------------------------------	--

Réimsí faisnéise a bhaineann le gnólachtaí:

Réimse	FAISNÉIS FAOI CHEARTA, OIBLEAGÁIDÍ AGUS RIALACHA
Gnólacht a thosú, a reáchtáil agus a dhúnadh	• gnólacht a chlárú (nósanna imeachta clárúcháin agus foirmeacha dlí le haghaidh gnó a dhéanamh) • cearta maoine intleachtúla (iarratas a dhéanamh ar phaitinn, trádhmharc, líníocht nó dearadh a chlárú, ceadúnas atáirgthe a fháil) • cothroime agus trédhearcacht i gcleachtais tráchtála, lena n-áirítear cearta tomhaltóirí agus ráthaíochtaí a bhaineann le hearraí agus seirbhísí a dhíol • saoráidí ar líne a thairiscint le haghaidh íocaíochtaí trasteorann nuair atáthar ag díol earraí agus seirbhísí ar líne • cearta agus oibleagáidí a eascraíonn as dlí na gconarthaí, lena n-áirítear ús ar riaráistí • imeachtaí dócmhainneachta agus leachtú cuideachtaí • árachas creidmheasa • cuideachtaí a chumasc nó gnólacht a dhíol
Cúrsaí foirne	• téarmaí fostaíochta (lena n-áirítear uaireanta oibre, saoire íoctha, teidlíochtaí saoire, cearta agus oibleagáidí maidir le ragobair, scrúduithe sláinte, foirceannadh conarthaí, briseadh as post agus iomarcaíochtaí) • cearta agus oibleagáidí slándála sóisialta san Aontas (clárú mar fhostóir, fostaíthe a chlárú, fógra a thabhairt d'fhostaí faoi dheireadh conartha, ranníocaíochtaí slándála sóisialta a íoc, cearta agus oibleagáidí a bhaineann le pinsin) • oibrithe a fhostú i mBallstáit eile (oibrithe a phostú, rialacha maidir le saoirse chun seirbhísí a chur ar fáil, ceanglais chónaithe d'oibrithe) • caitheamh cothrom (rialacha in aghaidh idirdhealú san áit

	oibre, pá comhionann d'fhir agus do mhná, pá comhionann d'fhostaithe ar chonarthaí téarma sheasta/fostaíochta buaine) • rialacha maidir le hionadaíocht foirne
Cánacha	• CBL: faisnéis faoi na rialacha ginearálta, rátaí agus díolúintí, clárú le haghaidh CBL agus CBL a íoc, aisíocaíocht a fháil • dleachtanna máil: faisnéis faoi na rialacha ginearálta, rátaí agus díolúintí • cánacha eile: íocaíocht, rátaí
Earraí	• comhartha CE a fháil • caighdeán is infheidhme a shainaithint, sonraíochtaí teicniúla, agus táirgí a dheimhniú • aitheantas frithpháirteach do tháirgí nach bhfuil faoi réir shonraíochtaí an Aontais • ceanglais maidir le haicmiú, lipéadú agus pacáistiú do cheimiceáin ghuaiseacha • ciandíol/díol seacháitribh: faisnéis nach mór a thabhairt do chustaiméirí roimh ré, an conradh a dheimhniú i scríbhinn, aistarraingt ó chonradh, na hearraí a sheachadadh, oibleagáidí sonracha eile • táirgí lochtacha: cearta agus ráthaíochtaí tomhaltóirí, freagrachtaí iardhíola, modhanna sásaimh do pháirtí díobháilaithe • deimhniúchán, lipéid (EMAS, lipéid fuinnimh, éicidhearthóireacht, éicilipéad AE) • athchúrsáil agus bainistíocht dramhaíola
Seirbhísí	• ceadúnais, údaruithe nó ceadanna a fháil d'fhonn gnólacht a thosú • fógra a thabhairt do na húdaráis faoi ghníomhaíochtaí trasteorann • aitheantas do cháilíochtaí gairmiúla
Gnólacht a chistiú	• rochtain a fháil ar mhaoiniú ar leibhéal an Aontais, lena n-áirítear cláir chistiúcháin agus deontais ghnó an Aontais • rochtain a fháil ar mhaoiniú ar leibhéal náisiúnta • tionscnaimh atá dírithe ar fhiontraíthe (malartuithe a eagraítear le haghaidh fiontraíthe nua, cláir mheantóireachta, etc.)
Conarthaí poiblí	• Páirt a ghlacadh i dtairiscintí poiblí: rialacha agus nósanna imeachta • tairiscint a chur isteach ar líne mar fhreagairt do ghlaó poiblí ar thairiscintí

	neamhrialtachtaí a thuairisciú maidir leis an bpróiseas tairisceana
Sláinte agus sábháilteacht ag an obair	Oibleagáidí sláinte agus sábháilteachta maidir le cineálacha difriúla gníomhaíochta, lena n-áirítear rioscaí a chosc, faisnéis agus oiliúint

IARSCRÍBHINN II
Nósanna imeachta dá dtagraítear in Airteagal 5(2)

Imeachtaí saoil	Nósanna imeachta	Aschur ionchasach
Breith	Teastas breithe a iarraidh	Teastas breithe
Staidéar a dhéanamh	Iarratas a dhéanamh ar dheontas staidéir ó institiúid phoiblí	Cinneadh ar an iarratas ar dheontas
Obair	Clárú le haghaidh sochair shlándála sóisialta	Admháil fála
	Aitheantas a iarraidh do dhioplóma	Cinneadh ar an iarraidh ar aitheantas
Bogadh	Athrú seolta a chlárú	Deimhniú chlárú an tseolta nua
	Cárta aitheantais nó pas a iarraidh/a athnuachan	Eisiúint nó athnuachan cárta aitheantais nó pas
	Mótarfheithicil a chlárú	Deimhniú clárúcháin
Dul ar scor	Sochair phinsin agus sochair réamhscoir a éileamh ó scéimeanna poiblí nó leathphoiblí	Cinneadh ar an éileamh ar shochair pinsin nó réamhscoir
Gnólacht a thosú	Clárú ginearálta gníomhaíochta gnó, diomaite de na nósanna imeachta a bhaineann le bunú cuideachtaí de réir bhrí an dara mír d'Airteagal 54 CFAE	Deimhniú gur cuireadh i gcrích na céimeanna uile is gá chun tosú ar oibriú mar ghnólacht
	Fostóir (duine nádúrtha) a chlárú le scéimeanna poiblí nó leathphoiblí pinsean agus árachais	Uimhir aitheantais slándála sóisialta
	Fostaithe a chlárú le scéimeanna poiblí nó leathphoiblí pinsean agus árachais	Uimhir aitheantais slándála sóisialta
Gnó a dhéanamh	Fógra a thabhairt do na scéimeanna	Deimhniú go bhfuarthas an fógra

	slándála sóisialta faoi dheireadh conartha le fostaí	
	Ranníocaíochtaí slándála sóisialta d'fhostaithe a íoc	Admháil nó foirm eile deimhnithe gur íocadh ranníocaíochtaí slándála sóisialta d'fhostaithe

IARSCRÍBHINN III

Liosta de na seirbhísí cúnaimh agus réitigh fadhbanna dá dtagraítear in Airteagal 2(2)(c)

- (1) Ionaid Ilfhreastail
- (2) Pointí Teagmhála do Tháirgí
- (3) Pointí Teagmhála do Tháirgí Foirgníochta
- (4) Lárionaid Chúnaimh Náisiúnta um Cháilíochtaí Gairmiúla
- (5) Pointí Teagmhála don tSláinte
- (6) EURES
- (7) Réiteach Díospóide Ar Líne